

**ԺՈՂՈՎՐԴԱՎԱՐԱՑՈՒՄ ԵՎ ՄԱՐԴՈՒ ԱՐԺԵՎՈՐՈՒՄ**

2019թ.-ին «Ուրբան» Հիմնադրամը նպաստել է ավելի թափանցիկ կառավարմանը և քաղաքացիական ակտիվությանը տեղական և ներպետական մակարդակներում Հայաստանի մի շարք հանրային որլորտներում:

**«Ջրային ռեսուրսների մասնակցային և արդյունավետ օգտագործում» ծրագիր**

**ԱՄՆ ՄԶԳ** կողմից ֆինանսավորված այս եռամյա ծրագրի միջոցով «Ուրբան» հիմնադրամը մեծապես նպաստեց ծրագրի շահակիրների վարքագծային փոփոխություններին՝ անընդհատ նվազող ստորերկրյա ջրային ռեսուրսների առավել արդյունավետ և գործուն կառավարում իրականացնելու նպատակով: Ծրագիրն իրագործվեց քաղաքացիական ակտիվ մասնակցության, հանրային կրթության, ձկնաբուծարանների կողմից իրենց լավագույն փորձի ներկայացման, որոշումներ կայացնողների հետ համագործակցությամբ մի շարք օրենքների նախագծերի մշակման, ջրօգտագործողների ընկերություններին և որոշում կայացնողներին ջրային ռեսուրսների կառավարումը առավել թափանցիկ դարձնելու հարցում տրամադրված աջակցության, SS գործիքների կիրառման և խմելու ու ոռոգման ջրի ենթակառուցվածքների բարելավման միջոցով:



**ԶԵՆՔԵՐՈՒՄՆԵՐ**

**Բարելավված ջրային ենթակառուցվածք**

- **3,200** մարդու համար 24-ժամյա ջրամատակարարում Արմավիրի մարզի Առատաշեն համայնքում
- **13,400** մարդ կապրի ավելի մաքուր Վեդիում (Արարատի մարզ)՝ կաթիլային ոռոգման համակարգի տեղադրման արդյունքում ավելացող կանաչ տարածքների շնորհիվ
- **10,000** մարդ կօգտվի ոռոգման բարելավված համակարգից 2020 թ. երկրորդ կիսամյակից սկսած

**Մոբիլիզացված համայնքներ**

- **5,300** մարդ 12 համայնքներում բարձրաձայնել է ջրային ռեսուրսների արդյունավետ օգտագործման և կառավարման անհրաժեշտության մասին
- **2,600** մարդ 12 համայնքներում մասնակցել է ջրային ռեսուրսներին առնչվող խնդիրների բացահայտմանը և մշտադիտարկմանը
- **2,200** մարդ 12 համայնքներում, ներառյալ դպրոցականները և մանկապարտեզի սաները, հարստացրել է գիտելիքները ջրային ռեսուրսների արդյունավետ կառավարման և օգտագործման վերաբերյալ
- **600,000** մարդ Հայաստանի Հանրապետությունում իրազեկվել են Արարատյան դաշտում ջրի խնդրի մասին
- Հայաստանի ջրի խնդիրը նաև լուսաբանվել է միջազգային լարանի համար՝ <https://medium.com>; [globalwaters.org](http://globalwaters.org).

**Ջրային ռեսուրսների մասնակցային կառավարման համար նպաստավոր միջավայրի ստեղծում**

Ստեղծվել է ռազմավարական փաստաթուղթ, որում ներառված են ճանապարհային քարտեզ և 3 օրենքի նախագիծ հետևյալի վերաբերյալ՝

- Ջրօգտագործողների ընկերություններ
- Էկոլոգիական տեղեկատվություն
- Էկոլոգիական քաղաքականություն

**Ավելի թափանցիկ և հաշվետու կառավարում**

- Ջրօգտագործման թույլտվությունների տրամադրման առցանց հարթակ ՀՀ Շրջակա միջավայրի նախարարության համար
- Ջրին առնչվող խնդիրների մասին առցանց տեղեկատվության, բողոքների և առաջարկությունների ներկայացման հարթակ Վեդի համայնքում
- Արմավիր ԶՕԸ վեբկայք՝ <http://armavirwua.am>
- Հեռախոսային հարցման էլեկտրոնային գործիք որպես վերահսկողության և հետադարձ կապի միջոց 10 համայնքի համար տացվել է լրացուցիչ օժանդակություն **Կոկա-Կոլա հիմնադրամից (ԿԿՀ)**՝ ի աջակցություն ծրագրի միջոցառումների:

ԿԿՀ-ն նպաստել է ջրային ռեսուրսների կառավարման վերաբերյալ հանրային տեղեկատվական նյութերի մշակմանը և տարածմանը, ձկնաբուծարաններ և ճահճային տարածքներ ուսումնական այցերի կազմակերպմանը, դպրոցականների համար դասընթացների կազմակերպմանը և թիրախավորված հանրային գովազդի պատրաստմանը՝ ջրօգտագործողների և ջրային ռեսուրսների կառավարման ոլորտի պատասխանատուների շրջանում իրազեկության խթանման և վարքագծային փոփոխությունների ամրապնդման նկատառումով՝

- [Water Users: Find your way to save water](#)
- [Drip Irrigation: Find your way to save water](#)
- [Fish farms: Find your way to save water](#)

**Համայնքների հենանշման առաջին գործնական կիրառումը Հայաստանում. սերտած դասեր և փորձի փոխանակում**

2019թ.-ին «Ուրբան» հիմնադրամն իրականացրեց «Կարողությունների զարգացում համայնքային ուսուցման միջոցով» ծրագիրը՝ Թբիլիսիում **Նիդերլանդների դեսպանատան** ֆինանսավորմամբ:

9 խոշորացված համայնքներ ընտրվեցին և վերապատրաստվեցին՝ չորս ոլորտներում համայնքային հենանշում իրականացնելու նպատակով՝


- Կոշտ թափոնների կառավարում
- Քաղաքացիական մասնակցություն
- Նախադպրոցական կրթություն
- Սոցիալական ծառայություններ

Ուսուցման գործընթացը հիմնված էր Նիդեռլանդների փորձի վրա՝



Հենանշման իրականացումից հետո պիլոտային համայնքները ներկայացրին իրենց արդյունքները միմյանց, իմացան գործընկեր համայնքների հետ համեմատությամբ իրենց թույլ կողմերի մասին:

**Քաղաքացիական մասնակցության հենանշում**



Ելնելով ստացված արդյունքներից՝ գործընկեր համայնքները մշակեցին գործողությունների ծրագրեր և ներկայումս իրականացնում են այն ծառայությունների բարելավմանն ուղղված նախագծերը, որոնցում իրենք բացեր էին հայտնաբերել:

**ԻՆՏԵՐՎՅԱԾ ՀԱՄԱՅՆՔԱՅԻՆ ԶԱՐԳԱՑՈՒՄ**

2019 թվականը նշանավորվեց համայնքների մոբիլիզացման, մասնակցային կառավարման, շենքերի արդյունավետ կառավարման, շրջակա միջավայրի պահպանության և կրթության ոլորտներում շարունակական աշխատանքով:

**Թափոնների կառավարումը համայնքներում**

ԵՄ ֆինանսավորմամբ երկու ծրագրերով Սյունիքում և Վայոց ձորում՝ Մաքուր դաշինքը մատչելի ծառայություններ Գորիս և Գորայք համայնքների համար և Հինարարական նյութերի ստացում պլաստիկ թափոններից, 2019թ. արձանագրվեցին կառուցողական ձեռքբերումներ:

**Արտադրվեց պլաստիկ թափոններից ստացված շինարարական նյութերի առաջին թվաքանակը:**

Կապանը մեկնարկում է շինարարական նյութերի արտադրությունը վերամշակված պլաստիկ թափոններից և ավազից: Երկար սպասված բացման արարողությունը տեղի ունացավ 2019թ. մայիսի 11-ին՝ խորհրդանշականորեն Սյունիքի մարզի Կապան քաղաքում Եվրոպայի օրվա տոնակատարության օրը:

**Ներկայումս բարելավվել են 5 համայնքային տարածքներ՝ շնորհիվ վերամշակված պլաստիկ թափոններից ստացված շինարարական նյութերի:**

Պլաստիկ թափոններից արժեքային շրջա ստեղծելու գաղափարը «Ուրբան» հիմնադրամի մոտ ծագել էր տարիներ առաջ, դեռ 2009 թվականին կենցաղային աղբից պլաստիկ թափոնների տարանջատման առաջին փորձը կատարելիս: Այդ ժամանակից ի վեր տարբեր դոնորների աջակցությամբ «Ուրբան» հիմնադրամը ստեղծել է զգալի կարողություններ Հայաստանի ավելի քան 20 համայնքներում պլաստիկ թափոնների տարանջատման, սեղմման, պահպանման և փոխադրման համար:

**«Մաքուր դաշինք» ծրագիրը հասնում է գագաթնակետին**

Մինչ պլաստիկ թափոնները Կապանում նոր արժեք են ստանում, ԵՄ ֆինանսավորմամբ մեկ այլ ծրագիր՝ Մաքուր դաշինքը հասնում է իր գագաթնակետին:

Ընդհանուր առմամբ 2 ծրագրերով ապահովվել է՝

- 4 աղբահավաք մեքենա
- 381 աղբաման ընդհանուր աղբի համար
- 455 աղբաման պլաստիկ թափոնների համար
- 7 պլաստիկ թափոնի մամիչ

Վերամշակված աղբի համար աղբահավաք մեքենաներ և աղբամաններ ձեռք բերով Կապանը, Գորիսը և Գորայքը այժմ լավ պատրաստված են թափոնների արդյունավետ կառավարում իրականացնելու առումով: Մաքուր դաշինք ծրագիրը ավելի մեծ թափ ստացավ, երբ 2018 թվականին ծրագրին միացավ Սիսիանի համայնքապետարանը:

**Ճապոնիայի դեսպանատան** աջակցությամբ «Ուրբան» հիմնադրամը լրացուցիչ 80 ընդհանուր աղբի աղբաման է տրամադրել Սիսիան համայնքին: Դա ԵՄ ֆինանսավորմամբ «Ուրբան» հիմնադրամի կողմից Սյունիքում իրականացվող՝ թափոնների կառավարման, տարանջատման և վերամշակման նախաձեռնություններին արժեքավոր լրացում էր:

Ծրագրով իրականացվել է կարողությունների զգալի զարգացում, ինչը հանգեցրել է երեք հարևան խոշորացված համայնքներում՝ Գորիսում, Սիսիանում և Գորայքում, թափոնների խիստ արդյունավետ կառավարման:

Հնորիվ քաղաքացիների ուժեղ մոբիլիզացման և հանրային կրթության արշավների, համայնքներում տարանջատված և հավաքված պլաստիկ թափոնները ուղարկվում են Կապան՝ վերամշակման, կամ վաճառվում են (ինչպես Գորիսի դեպքում) շահավետ գնով՝ թափոնների կառավարման բյուջեն համալրելու նպատակով:



**Շենքերի թափանցիկ և արդյունավետ կառավարում**

ՄԱԿ-ի զարգացման ծրագրի աջակցությամբ «Ուրբան» հիմնադրամը վերանայել և վերլուծել է այն տվյալները, որոնք պետք է ներառվեն շենքերի անձնագրերի ձևանմուշներում: Մեր փորձագետները մշակել են շենքերի ձևանմուշներ և փորձարկել են դրանք հանրային և բազմաբնակարան շենքերում: Մենք նաև մշակել ենք շենքերի ինտերգրված կառավարման առցանց հարթակի ստեղծման առաջադրանքը:

Report: [Sample building passports, ToR- building management online system, best practices](#)